

SANITÉ: La doturia Grete Mahlknecht é demez dai 16 (lönesc) ai 20 (vëndres) de dezëmber, vëgn sostituida dal dotur Eduard Agreiter 333 13 80 852.

PLOANIES SAN MARTIN Y LUNGIARÜ

Mëssa de recort dl 25° aniversar dla mort dl Sorvidú de Dî siur Heinrich Videsott en lönesc, ai 09 de dezëmber, dales 16.00, tla dlija da Val.

Invit ala ora d'oraziun en vëndres, ai 13 de dezëmber, dales 20.00, sö Oies

SAN MARTIN

Düc/Dötes i/les Seniors/es da San Martin y d'Antermëia é dër bel inviá al Rorate tla dlija a San Martin en domënia, ai 15 de dezëmber, dales 10.00, y dedò marëna tla ostarìa Al Bagn Valdander. *Ciarede plü avisa t'ultima plata.*

En jöbia, 12 de dezëmber, dales 20.00, te colonia, reuniun di geniturs de chi che vá ala Pröma Comuniun. Les mames y i peri é dër bel inviá. *Siur Klaus*

La scora elementara da San Martin ti dij de cör dilan ala popolaziun por avèi sostigní so pice proiet a fin de bëgn. I un podü ti surandé la bela soma de 3.200 euro al'assoziaziun „Südtiroler Kinderhilfe Regenbogen“ che dëida mituns y jogn dër amará. Dilan a düc y i Ves audun dër n bel tēmp d'Advënt.

Sön la tofla dan dlija é le calēnder nü dles preparaziuns al bato.

I mituns y les mitans dala 4ª elementara ala 3ª mesana che jiss ion a fá i „Trëi Resc“ é bel peria da ti telefoné ala maestra Teresa Piazza 348 93 77 694. Le grup dl ann passé é bele gnü contaté, y la maiú pert vá indò. Bel dilan y präibel.

La Uniun di Èi inviëia düc i èi da 30 agn insö da lité le consèi nü dla uniun. Les zetoles da lité é da ciáfé apé de dlija dai 9 de dezëmber inant y é da dé jö dai 12 (jöbia) cina ai 29 (domënia) de dezëmber tla lada apostá apé de dlija.

LUNGIARÜ

I recordun la festa de patrozine de Santa Lizia en vëndres, ai 13 de dezëmber, cun la mëssa solëna dales 9.00, a chëra ch'i inviun DÜC da tó pert; dedò é düc dër bel inviá da gní a fá n pü' de conferta tl salf dl paisc pro val' da bëre y da sgolósé. Al vëgn ince indò tigní le marcé de Santa Lizia organisé y a bëgn dl Cor de dlija. Le cor präia dër bel ciamó do patüc che pó gní dé jö en jöbia domisdé dales 14.00 ales 16.00 tl salf o ince pro val' ciantadú o pro Hubert.

En jöbia, ai 12 de dezëmber, dales 17.30, presentëia la Uniun di Ladins a La Val tl pice salf dl comun n documentar de Paolo Vinati "Cincanta" sön la corona tla capela da Pidrò.

En vëndres, ai 13 de dezëmber, dales 15.00, vëgnel presenté tl Istitut Ladin le liber por mituns da 7 agn insö de Maria Paola Asson "Jep y les stries mates".

Invit al concert d'Advënt cun le cor Kyrios, le cor Kerygma y i Turmbläser de Badia en domënia, ai 15 de dezëmber, dales 17.00, tla dlija de Badia.



unitepastorala.org

Plata dles Ploanies San Martin y Lungiarü

ploan siur Klaus Sottsas 344 15 54 055 - clsottsas@rolmail.net
redaziun: anton.gasser@rolmail.net - 348 27 44 517 / 0474 523



08.12.24 - 15.12.24 n. 02

termo por comunicaziuns: jöbia, dales 20.00

SANTA MARIA IMACOLADA

2ª Domënia d'Advënt - C

Vangele do san Lúca 1,28-38

Te chël tēmp é l'agno Gábriel gnü menè da Idî te na cité tla Galilea dal inom Nàzaret da na viria; ara ê impormetüda a n'èl dla cíasa de Davide che â inom Ujöp, y l'inom dla viria ê Maria. L'agno é jü ite da d'ëra y à dit: Ave, tó plëna de grazia, le Signur é cun tè.

Ara s'á spordü da gnü baiada ados insciö y ara ponsâ do, cí che chësc salüt dô significhé.

Ailò ti à l'agno dit: No te temëi, Maria; deache t'as ciáfè grazia pro Idî.

Te ciafaras y metaras al monn n môt:

a d'èl desste ti mëte inom Gejù.

Al sarà gran y gnarà nominé Fi dl Altiscim.

Dî, le Signur, ti darà le tron de so pere Davide.

Al regnarà sura la cíasa de Iàcob por dagnora y süa regnanza n'arà degöna fin.

Maria vëgn saludada dal agno, sciöche la plü amada da Chël Bel Dî.


Ara stá tla ligna dles gran personalités dl Testamënt Vedl cherdades da Idî (Abraham, Davide ...) y les superëia dötes. Ara é la cité nöia de Ierusalem, a chëra che Idî ti porta döt so amur y ti scinca süa presënza.

De Gejù ti vëgnel dit a Maria ch'al sará gran y gnará nominé Fi dl Altiscim.

Sü titui y so inom significhëia che èl é le Messia impormetü.

Sciöche fi dla vergina é l'persona umana, mo alda impó pro le monn de Dî.

Ala noela dl agno respogn Maria te süa umilté cun les gran parores scëmples: I sun la fancela dl Signur; al sozedes cun me sciöche t'as dit. (Schott)

EDEMA - C	SAN MARTIN	LUNGIARÜ	
08.12.24 SANTA MARIA IMACOLADA	9.30 Devoziun a Santa Maria 10.00 Mëssa solëna por la Comunité Rorate por la Uniun dles Ères + Giovanni Rubatscher, dl ann + Giovanni Unterweger + Paula Ploner Trebo, dl ann	7.50 Corona 8.15 Liturgia dla Parora por la Uniun dles Ères cun y por les Families cun mituns	FESTA DE SANTA MARIA IMACOLADA 
09.12.24 <i>Juan Diego, Valeria</i> Lönesc			
10.12.24 Dedolönesc <i>S. Maria da Loreto, Angelina</i>	19.00 Mëssa/Rorate por la Uniun dl guant da zacan + Ida Deiacò, dl ann <i>al cianta le cor dla Scora de musiga</i>		
11.12.24 Dedemesaledema <i>Damase, David, Artur</i>		19.30 Mëssa/Rorate por le Cor de dlìjia por la Uniun di Stòdafüch de rengr. fam. Paul y Maria Clara, Brocia por families de Angel Sorà	
12.12.24 <i>Hartmann da Porsenú</i> Jöbia <i>Santa Maria da Guadalupe</i>	19.00 Mëssa/Rorate ++ Sciandro y Loise Dasser, d'Alfur + Sepl Flöss, Diamant, dl ann + Hermann Burkia, dl ann		
13.12.24 Vëndres <i>Santa Lizia, Ottilia</i>	18.30 Adoraziun chîta 19.00 Adoraziun deboriada	SANTA LIZIA - PATRONA DA LUNGIARÜ 8.30 Corona 9.00 Mëssa solëna por la comunité en onú de Santa Lizia	
14.12.24 Sabeda <i>Jan dala Crusc, Franzisca</i>	18.30 Mëssa prefestia Rorate por la Uniun di Èi ++ Pio y Angelina Baldissera ++ Roberto y Paolo Call vis y def. families dl Cheder <i>al sona n grup de clarinec y saxofons</i>		
15.12.24 3ª DOMËNIA D'ADVËNT - C Gaudete!	9.30 Corona por + Carlo Deiacò 10.00 Gran Mëssa por la Comunité Rorate por i Seniors Rorate por la Uniun dles Patrones 3a de sopoltöra + Carlo Dejacò ++ Bino y Tille Pedevilla vis y def. families Pescoller	7.50 Corona 8.15 Gran Mëssa por la Comunité Rorate por la Uniun dl KVW Rorate por la Uniun di Èi por les families de Renate Tatz por les families y ++ Marino y Maria Clara dl ann + Magdalena Clara <i>al sona i Turmbläser dla musiga</i>	Le dogma dla "Vergina y Uma de Dî conzepida zënza picé original" gnü protlamé dal papa Pio IX l'ann 1854 á sües raisc sotes tla fede dla Dlijia catolica: Te süa storia cun la umanité á Chël Bel Dî senté te Maria n scomenciamënt nü y á cun incarnaziun de so Fî rot ia la morona dl mal. Cun "le picé original" n'él nia miné n comportamënt personal iniüst defrunt a Idî, mo la tendënza al mal y ala mort, che pësa sön l'umanité dal picé de Adam inant. Chirin fora Maria sciöche Uma de so Fi, la straverda Idî da chësta macia. Ara respogn a chësta vocaziun cun so "Scé" ch'ara á vit cina sot la crusc. Porchël él la Dlijia che la festejëia sciöche pröma di salvá y sciöche ideal de vigni porsona. Te ëra podunse odëi sciöche Chël Bel Dî s'á imaginé la jënt daimpröma insö. Maria é la porsona ideala zënza defet do le dessëgn de Chël Bel Dî. (T.D.)